



Hiefenech, de 6. Oktober 2016

Betreff: Petitioun n°715 fir den Erhalt an Moderniséierung vun de Kierchefabrécken

Dir Hären Dechen, Paschtéier an Diakonen,
dir Dammen an Häre Par- a PastoralassisstenInnen,
all Responsabel vun de Par(verbands)büroen,
a Kiercherotsmemberen alleguer,

Wéi et an der Press ze verlauschtere war, huet de SYFEL eng öffentlech Petitioun lancéiert, fir d'Kierchefabrécken ze erhalen an ze moderniséieren.

De soug. „Protestbréif“ vun ugangs Oktober huet schonns gewisen, datt iwwer 200 Kierchefabrécken net mat der geplangter Ofschaafung an der Zentraliséierung vun der Verwaltung an der *de facto* Enteegnung d'accord sinn.

Mat dëser Petitioun wëlle mir alle Leit aus dem Land d'Méiglechkeet ginn, sech an deem Debat ze positionéieren, sou datt déi politesch a kierchlech Responsabel gesinn, datt et net nëmmen e „klengen interne“ Problem ass, mee e breeden Deel aus der Populatioun sech concernéiert heivunner spiert, ob als praktizéierende Katholik, Gleewegen oder einfach kulturell an historesch interesséierte Bierger.

D'Petitioun leeft vum 10. Oktober bis den 21. November 2016. Wann dës Petitioun 4.500 Signature kritt, gëtt de SYFEL an der Chamber gehéiert a kann senge Memberen hir Virstellungen a Fuerderunge virum *Pouvoir législatif* ausdrécken a verteidegen. Leider war dëst jo bis elo net méiglech, well keng vun den involvéierten zwou Verhandlungsparteien op d'Kiercheréit oder och de SYFEL wollt lauschteren. Doduerch hoffe mir, eisen Bäitrag zum an eisen Afloss am *Débat politique a publique* ze leeschten an deem Gesetzesprojet N°7037 entgéintzewierken.

Fir dëst ze erreechen brauche mir awer Är konkret Hëllef an Ënnerstëtzung fir d'Leit an de Paren a Gemengen opzeklären an ze mobiliséieren, bei dëser Petitioun matzemaachen.

Am Anhang zu dësem Courier fannt Dir :

- de Petitiounstext;
- e Flyer an e Plakat fir an de Kierchen, Centre culturel'en, etc. auszedeelen, -leën (Falls Dir selwer keng Kopie kennt maachen, da mellst Iech einfach, mir loossen Iech der zoukommen.);
- eng Text-Propose fir op dem Parlat aus Ärem Sprengel ze publizéieren;

Des Weideren wäert mir och frou, wann Dir an de Gottesdénsgchter an Äre Kierchen ebenfalls e Wuert dozou géngt faalle loossen, fir d'Leit (op mannst) drop hinzewiesen, datt eng entspriechend Petitioun leeft.

Och bei alle Bekannten, Frënn, Familjememberen, Gesanksveräiner, Musiken, Politiker, Massendénger, Veräiner etc. etc. kënnst Dir roueg fir eis Petitioun Reklamm maachen. Dofir kritt Dir och nach eng separat Mail geschéckt, déi Dir iwwehall doruechter kënnst verschécken. Falls Dir selwer, oder een deen Dir kennt, wellt aktiv bei der Ënnerschrëftesammlung matmaachen (Well si kann och klassesch per Hand ënnerschriwwe ginn.), da sot eis w.e.g. Bescheid (syfel@syfel.lu), mir këmmere eis dann ëm dat Praktescht.

Am Viraus e grouse Merci fir Är Solidaritéit an Är praktesch a moralesch Ënnerstëtzung

mat beste Gréiss

de SYFEL-Verwaltungsrot

Serge Eberhard, Gilbert Feller, Ernest Fromes, Roland Gierenz, Carlo Harpes, Raymond Jans, Jean-Marie Kieffer, Marc Linden, Laurent Mersch, Carlo Meyer, Michel Neyens, Aloyse Reuter, Roby Schiertz, Raoul Scholtes, Danielle Schroeder, Stronck Jemp, Jean Weisgerber, Marco Welter